

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 5. stav (1) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“ broj: 20/20 i 14/21), na prijedlog premijera Zeničko-dobojskog kantona, Vlada Zeničko-dobojskog kantona, na 77. sjednici, održanoj dana 18.04.2025. godine, d o n o s i

ZAKLJUČAK

I

Donose se Kriteriji za izbor i imenovanje predsjednika i članova Komisije kao pomoćnog radnog tijela sekretara po ovlaštenju Ureda za javne nabavke.

II

Kriteriji iz tačke I čine sastavni dio ovog zaključka.

III

Zaključak stupa na snagu danom donošenja.

Broj: 02-_____/25
Datum, 18.04.2025. godine
Zenica

PREMIJER

Nezir Pivić

DOSTAVLJENO:

1x Ured premijera Zeničko-dobojskog kantona,
1x Stručna služba Vlade (oglasna ploča),
1x a/a.

K R I T E R I J I
za izbor i imenovanje predsjednika i članova
Komisije kao pomoćnog radnog tijela
sekretara po ovlaštenju Ureda za javne nabavke.

I

Vlada Zeničko-dobojskog kantona propisuje sljedeće Kriterije za izbor i imenovanje predsjednika i članova Komisije kao pomoćnog radnog tijela sekretara po ovlaštenju Ureda za javne nabavke (u daljem tekstu: Komisija):

- a) predsjednik i članovi Komisije će biti izabrani iz reda državnih službenika iz organa uprave, upravnih organizacija i službi Zeničko-dobojskog kantona;
- b) predsjednik i članovi Komisije moraju imati stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visokog obrazovanje prvog, drugog ili trećeg ciklusa Bolonjskog sistema studiranja koji se vrednuje s najmanje 240 ECTS studijskih bodova pravne ili upravne struke;
- c) predsjednik i članovi Komisije moraju imati najmanje tri godina radnog staža u struci nakon sticanja VSS, odnosno visokog obrazovanja;
- d) u postupku imenovanje Komisije Vlada Zeničko-dobojskog kantona će voditi računa o ravnopravnoj zastupljenosti konstitutivnih naroda i spolova;
- e) osoba koja će obavljati administrativno-tehničke poslove za potrebe Komisije će biti izabran iz reda namještenika iz organa uprave, upravnih organizacija i službi Zeničko-dobojskog kantona;
- f) broj članova Komisije ne može biti veći od tri.

II

Na osnovu Kriterija iz tačke I., Vlada Zeničko-dobojskog kantona će imenovati predsjednika i članove Komisije i lice koja će obavljati administrativno-tehničke poslove za potrebe Komisije, a u skladu sa odredbama Zakona o Vladi Zeničko-dobojskog kantona ("Službene novine Zeničko-dobojskog kantona", broj: 7/10 i 3/23) i Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona" broj: 20/20 i 14/21).

III

Ovi Kriterij će biti objavljeni na oglasnoj tabli Stručne službe Vlade Zeničko-dobojskog kantona.

Broj: 02-_____/25
Datum, 18.04.2025. godine
Zenica

PREMIJER

Nezir Pivić

DOSTAVLJENO:

1x Ured premijera Zeničko-dobojskog kantona,
1x Stručna služba Vlade (oglasna ploča),
1x a/a.